

## **Сажда ояти учун қандай сажда қилинади?**

20:45 / 24.04.2016 8273

Ассалому Алайкум, Ҳурматли Шайх Ҳазратлари! Намозда сажда ояти келган сура ўқилса, сажда қай тартибда амалга оширилади?

Бу гап бошланғич китобларда ҳам бор. Ушбу сайтда бор. Излаб топиб, ўқиб олсангиз бўлмайдими?! Ҳозир мен саволлар саҳифасини очган эдим, қизил ҳарфлар билан “излаш хизмати” деб ёзилган саҳифа очилди. Ўша ёзувни босган эдим, савоб бериш жойи очилди. “Қироат саждаси” деб ёзиб “кириш”ни босган эдим 39 сонияда 641та жавоб чиқди. Ҳаммаси сиз сўраган саволнинг жавобига оид. Биз шу хизматларни сизлар учун қилганмиз. Китобларни ҳам. Ҳар бир одамга, ҳар бир масалани алоҳида алоҳида ёзиб, айтиб бериш имконимиз йўқ. Бошқа ишлар жуда ҳам кўп. Уларни бажариш аҳамиятли. Ҳар куни сизлардан ўртacha 20 – 30 та савол келади. Ҳар куни ўртacha ўн бет атрофида янги китоби ёзиш керак. Ҳафтада беш кун дарс бор. Маълум кунларда одамларнинг қабули бор. Овозли китоблари қилиш керак. Йигирмадан ортиқ сайтга қараш керак. Одамларга ўртacha икки марта маъруза қилиш керак. Шунга ҳам бир ярим, икки соат кетади. Бундан бошқа ишлар ҳам мавжуд. Сизлардан ўтиниб илтимос қиласман, менга қўмакчи бўлинглар. Сизлар учун тайёрлаб қўйилган шароитлардан тўлиқ фойдаланинглар. Менинг вақтимни зое бўлишига сабабчи бўлманглар. Мен яхши тушунаман. Сизлар бевосита мулоқот бўлишини истайсизлар. Аммо тайёр жавобларни ўқиб олишингиз ҳам мулоқотдир. Ўқиб тушуна олмаган нарсаларни сўранглар.

Ушбу саволнинг соҳибасига алоҳида ташаккур айтаман. Анчадан бери айтаман деб юрган гапларни айтишга сабабчи бўлдилар. Аллоҳ таоло хайрларини берсин! Динимизга, ибодатга бўлган қизиқишлирини зиёда қилсин! Аллоҳ таолонинг розилигини топиб, икки дунёнинг саодатига мұяссар бўладиган бандалардан бўлишларини насиб қилсин!